



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Sententia vij. Ephes. ij. Deus qui diues est in misericordia, propter nimiam
charitatem suam. lxxv.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

SENTENTIA VII. Ephes. 2.

Deus qui diues est in misericordia, propter nimiam charitatem suam qua dilexit nos, & cum essemus mortui peccatis, conuiuificauit nos in Christo; cuius gratia estis saluati: & conresuscitauit & confedere fecit in cœlestibus.

PARACLESIS.

CAPVT

LXXV.

Ambros. in
Epist. ad
Ephesios.
Psal. 129.
Ioel. 2.
Rom. 10.

Esa. 65.

Non dicit Apostolus: Deus qui misericors est, sed qui diues est in misericordia: ut commendat incomprehensibilem Dei misericordiam, de qua propheta Dauid ait: Apud Dominum misericordia, & copiosa apud eum redemptio. Et in Epistola ad Romanos ex Ioële dicitur: Idem Dominus omnium, diues in omnes, qui inuocant illum. Omnis enim quicumque inuocauerit nomen Domini, saluus erit. Haec uere diuitia sunt misericordiarum, ut non querentibus ultro misericordia prestaretur. Sicut dicit Esaias: Palam factus sum non querentibus me. Hoc est enim abundare misericordia, ut et non postulantis tribuatur. Haec tamen charitas Dei est erga nos, ut quia fecit nos, nolit perire nos. Diligit enim opus suum. Ideo enim fecit, ut amaret quod fecit: nemo enim labore suum odio habet. Ac propterea, cum alienati mortui eramus, gratia sua reuocauit nos, & uiuificauit in Christo. Quia enim per ipsum nos fecit, iterum per ipsum reformauit nos in ipso: nimirum ut membra eius simus, ipse autem caput nostrum. Ipsum enim habemus, Deo praestante, autorem uitae nostrae: cuius gratia saluati sumus.

CONSOL.